



Minggu, 24 April 2022

Ogen: Matius 13:23-30



"Timai Seh Rani"



Erbage-bage biak si lit i bas diri manusia. Biak si mehuli, perkeleng, mejingkat melala si jumpai. Tapi biak si mehuli pe labo ka kurang, umpamana perkisat, pergelut, pernembah, pendendam, ras sidebanna. Biak si mehuli ras si la mehuli e radu lit i doni enda. Renungenta sekali enda nuriken sada perumpamaan sesa si turah i tengah-tengah page. Sesa ras page enda radu ras turah i bas sada juma. Radu ras ia man nakan si seri i bas juma e nari. Radu ras ngaloken udan ras las matawari. Tapi bas kedungenna pagi kenca iperani, iserapken me sesa arah page e nari. Kenca dung peranin me pagi tereteh ku ja inganna page ras sesa ndai.

Bageme kegeluhenta enda, biak si mehuli ras si mehuli e apai pe gundari lit ras mehuli perturahna i bas pusuh manusia. Ope lenga seh paksana penghakimen e, biak enda radu ras lit bas diri manusia. Tapi kedungenna bas paksa rani pagi, e me masa penghakimen e, iserapken Dibata me manusia si bas dirina mehumur kal biak si la mehuli e. Iberkis me pagi janah itamakan Dibata ku ginuhur api si gurlah. Tapi biak si mehuli e ipediat Dibata nggeluh ras reh mehulina ka ku wari-wari si reh. Benih page si turah i bas taneh si mehulur uga pe erlipat kali ganda ulihna tupung bas peranin.

Si gargari i bas pusuhtha, biak si apai ngenda belinen, biak sesa entah biak page? Biak si mehuli entah si la mehuli? Kesempaten guna robah lit denga paksa enda.